Auld an cauld.

Pessimistic? Me?

Auld an cauld, auld an cauld, on a December day.

Auld an cauld, auld an cauld, what's an auld fule tae dae?

Fair enough, there wis a time when youth bleezed bricht an hot.

These were the days it seemed nae crime tae think the things I thought.

Auld an cauld...etc.

Sae weel I mind the days o spring, an the promise o their dawn, that birds wuid never cease tae sing an hopes wuid ne'er be gone.

Auld an cauld...etc

An summer days, I mind them yet, wi heat an licht ableeze; the days when it seemed meet an fit nane but masel tae please.

Auld an cauld...etc.

But autumn came an autumn went, an it's December noo, and aw thae daft-like days I spent hae little meanin noo.

Auld an cauld...etc.

Days o delusion are away, they brocht nae wealth or fame, but I think on them every day. I'll bet that you're the same!